

UGOVOR
O JAVNOJ NABAVCI ROBE
– kancelarijski materijal i toneri –

Zaključen u Sarajevu, nakon okončanog postupka javne nabavke u predmetu nabavke robe – kancelarijskog materijala i tonera - putem direktnog sporazuma, na osnovu Obavještenja o prihvatanju ponude direktora Ureda za zakonodavstvo Vijeća ministara Bosne i Hercegovine, broj: 02-16-3-1079-6/24 od 11.12.2024. godine, I Z M E Đ U:

Ureda za zakonodavstvo Vijeća ministara Bosne i Hercegovine sa sjedištem u Sarajevu, ul. Trg BiH broj 1, ID broj: 4201077230009 (u daljem tekstu: **Ugovorni organ**), koga zastupa direktor mr. Džemail Ćibo, i

Pravnog lica AM SUPPORT d.o.o., ul. Aleja Bosne Srebrene br.14 71210 Ilidža, ID broj: 4202276210005 (u daljem tekstu: **Dobavljač**), koje zastupa direktor Mirza Dizdarević.

Ugovorni organ i Dobavljač u tekstu ovog Ugovora zajedno se označavaju kao **Ugovorne strane**

Član 1.

Predmet ovog Ugovora je nabavka robe – kancelarijskog materijala i tonera - prema specifikaciji Ponude broj: 6778/24 od 09.12.2024. godine (u daljnjem tekstu: Ponuda), koja je sastavni dio ovog Ugovora.

Član 2.

- (1) Vrijednost ovog Ugovora iznosi 1.595,30 KM (sa PDV-om).
- (2) Prodajna cijena podrazumijeva isporuku robe prema Ponudi Dobavljača.
- (3) Cijena navedena u ovom Ugovoru ne može se mijenjati i mora odgovarati pojedinačnim cijenama robe iz Ponude.

Član 3.

Ugovorne strane su saglasne da je Dobavljač izvršio svoju obavezu kada robu, koja je predmet ovog Ugovora, isporuči na lokaciju koju naznači Ugovorni organ (ul. Trg BiH broj 1, 71000 Sarajevo) i kada predstavnik Ugovornog organa potpiše otpravni dokument kojim potvrđuje da je isporučena roba iz člana 1. ovog Ugovora.

Član 4.

Isporuka robe izvršit će se jednokratno u roku od 15 dana od dana sklapanja ovog Ugovora.

Član 5.

Plaćanje robe iz člana 1. ovog Ugovora, Ugovorni organ će izvršiti u roku od 15 dana od dana prijema fakture od strane Dobavljača.

Član 6.

Dobavljač je obavezan da otkloni sve eventualne nedostatke u kvaliteti robe u roku od 24 sata od isporuke ili je zamjeni novom robom koja ima jednake ili bolje karakteristike.

Član 7.

Dobavljač garantuje da će roba iz člana 1. ovog Ugovora biti tvornički nova, neupotrebljavana i originalna.

Član 8.

Svi eventualni nesporazumi do kojih dođe u realizaciji ovog Ugovora koji se ne mogu riješiti sporazumno, rješavat će se pred Sudom Bosne i Hercegovine.

Član 9.

Za sve što nije regulisano ovim Ugovorom, primjenjivat će se odredbe Zakona o obligacionim odnosima.

Član 10.

Ugovor stupa na snagu danom potpisivanja obje ugovorne strane.

Član 11.

Ovaj Ugovor je sačinjen u četiri istovjetna primjerka, od kojih svaka ugovorna strana zadržava po dva primjerka.

Ugovorni organ:


mr. Džemail Čibo, direktor



Broj: 02-16-3-1079-7/24
Datum: 11.12.2024. godine

Dobavljač:


Mirza Dizdarević, direktor



Broj: 544/24
Datum: 11.12.2024.